

Stelloskoop

Amptelike skooltydskrif van Hoërskool Stellenbosch | September 2021

Ontbyt by Lanzerac

Klas van 2025 is gereed

Graad 10's geniet uitstappie na RUSH

Schalk Bezuidenhout

KWEEK 2021

Hoërskool Stellenbosch se Kultuurweek

Anika sê...



REDAKTEURSBRIEF

Ek is 'n perfeksionis en 'n georganiseerde mens. Baie mense vra vir my hoe ek dit regkry.

Eerstens is dit belangrik om jousef goed te ken. As jy jousef goed ken, sal jy weet watter situasies om te vermy en hoe om jousef te verbeter.

Tweedens is dit belangrik om te beplan. Beplanning is nie altyd maklik nie. Elke kwartaal se uitgawe begin met 'n wit bladsy en eindig met 'n pragtige

uitgawe. Vol kleur en kreatiwiteit. Deur te beplan wat om te doen kan ons sukses behaal.

In hierdie uitgawe dek ons die herinneringe van die afgelope kwartaal. Dit sluit KWEEK 2021 in, die ontploffing van kleur en kunste, asook ons nuwe MR- en HK-verkiezing. Ons het nou Mevrou Nel en nie meer Mejuffrou Nienaber nie. Ons liefdevolle juffrou Van der Merwe is verloof. Nog vele meer kan jy

in hierdie kleurvolle uitgawe vind.

Ons kom nou al hoe nader aan die einde van 2021. Die November-eksamen is om die draai. Probeer om tydens die besige tye steeds tyd vir jousef te vat. Leer jousef ken en onthou om te beplan sodat jy nie vasdraai nie.

Moed hou Stellies, die wenpaal is naby!

Anika Joubert

INHOUD

Aktueel

5 Die matrieks verlaat ons

Die Stelloskoop groet die matrieks op die redaksie.

6 Die matrieks se eksamen is om die draai

Kom lees meer oor die matrieks se gevoel oor die eksamen.

7 Klas van 2025 is gereed

Die graad 8's deel hul ervaring sover.

8 In die kombuis

Lees meer oor dit wat ons leerders in die gasvryheidklas gemaak het.

10 Volg in die spore van leiers

HSS se nuwe MR word aangekondig.

11 Verwelkom die nuwe huis-komitee

Die HK van 2022 word bekend gemaak.

12 Stellies Biblioteek

'n Redaksielid deel meer oor een van hul gunstelingboeke.

13 Stellies teater

'n Flimresensie om jou nuuskierig te maak.

14 Terugblik op die vakansie

'n Paar leerders deel hul Junie-vakansie.

16 Hoe voel die onnies oor die inenting?

Die onderwysers deel meer oor die Covid-19-inenting.

17 Hoog, hoër, die hoogste

Die graad 10's geniet uitstappie na RUSH.

Bon Appétit

Ontbyt by Lanzerac.

18 Nuwe Nel

Juffrou Nienaber is nou Mevrou Nel.

19 Twee vaar beter as een

Ons vier die verlowing van juffrou Van der Merwe.

Redaksie

Verslaggewers

Jana Fourie
Chané Swanepoel
Emma Joubert
René Kotzé
Anina van der Poel
Tayla Wedderspoon
Tatum Ferrier
Kristen Burger
Anja Venter
Anja van Rooyen
Leonore Wessels
Elreesha Fortuin
Anje Swart
Anika Joubert
Nina Friess
Enamari Goldie
Rheba le Grange
Anika Lourens

Fotografe

Mia Venter
Sulene Loedolff
Christian Cloete
Anika Joubert

Uitlegkustenaars

Braam van der Westhuizen
Nadia Meyer
Cara Kilian
Kianté Olivier

Uitlegredaktrise

Anika Joubert

Kustenaars

Fleur Esterhuysen
Michael Adendorff

Elaine Lesch
Rieze Steyn
Zuni Barnard
Cheroné Fourie

Bemarking

Nadia Meyer

Voorbladfoto

Tannie Eileen de Beer
Voorblad: Kiara Horn

Onderwyser betrokke

Juf. Felton

KONTAKBESONDERHEDE

E-pos: admin@stellies.com

Tel: +27 21 887 3082/3

Jannaschstraat, Stellenbosch, 7600
www.stellies.com



Sport

21 Olimpiese spele

Lees meer oor die Olimpiese Spele.

Kultuur

22 So skop ons KWEEK af!

Die eerste dag van KWEEK.

23 Die tweede dag van die lekkerste week van die jaar

Kom lees meer oor die ontploffing van kunste en kleur.

24 Stellies het talent

HSS het 'n "homegrown" gehad.

26 Schalk Bezuidenhout

'n Periode van lekker lag.

27 So kom dit tot 'n einde

Kweek 2021 word op 'n goeie nooit afgesluit.

Leefstyl

15 Stellies is opgewonde oor die opgraderings

Die leerders deel hul gevoel oor die opgradering.

MATRIEKS 2021

Die matrieks verlaat ons

Na 'n lang en onvoorspelbare paar jaar het die uitmuntende groepie matrieks diep spore getrap in die Stelloskoop-redaksie. Al die herinneringe, moeite en tyd wat julle aan die Stelloskoop spandeer het, sal nie vergeet word nie.

Om te verseker dat ons alles op 'n goeie noot eindig, het ons gaan uitvind wat hulle graag na skool wil doen. Die planne is groot en die drome nog groter...

Karla Nel ry professioneel perd en hoop om binnekort skouspring in Nederland te gaan doen. Sy besit ook 'n klerebesigheid, so dit wys jou dat enigiets moontlik is as jy jou alles gee.

Jana Fourie se drome is om in Amerika Dans Beweging Terapie te gaan studeer vir haar meestersgraad, maar vir eers sielkunde in dans. Hoe asemrowend klink dit nie om al jou probleme en emosies in dans uit te druk nie?

Maggie van der Merwe se herinneringe van koor, graad elf graad-kamp en die Nederlandse uitruil sal haar altyd bybly. Klink na opwindende stories as jy my vra.

Anina van der Poel wil graag grondslagfase onderwys studeer in Wellington. Sy is baie opgewonde vir die nuwe fase wat voorlê.

Laaste, maar nie die minste nie, het ons vir Anja Venter. Al ooit gehoor van iemand wat


nooit as kind gekruip het nie? Wel, nou het jy. Sy wil graag BA Regte by die Universiteit Stellenbosch gaan studeer en hoop om eendag vir die Verenigde Nasies, of enige ander plek waar sy mense kan help, te gaan werk.

Hulle stories en drome is inspirerend en ek hoop van harte julle voel ook so. So, droom groot en onthou ons skool se leuse: SEMPER ALTIOR!

Elreasha Fortuin



DE JAGGERS
 Sedert 1955
 Jou eenstop mode & skooldrag voorsiener.
 023 004 1570 | Eikestad Mall



Die matrieks se eksamen is om die draai.



“Ek ervaar werklik baie druk om te presteer. Dit is definitief 'n stresvolle tyd, maar ek kan vir seker sê dat harde werk al ding is wat my gaan help en deur die eksamen gaan kry. Ek probeer positief bly, want dit is belangrik om jouself gelukkig en gesond te hou, sodat ek tot die beste van my vermoë kan werk en presteer.”

Zaine Doman



“Ek dink elke matriek voel gespanne, omdat dit ons eerste volle eksamen gaan wees gedurende hierdie snaakse jaar. Op 'n positiewe noot voel ek dat ons as matrieks in Hoërskool Stellenbosch goed voorbereid is deur ons onderwysers en dat ons net ons beste kan gee!”

Jamie-Lee Adams



“Net so, kom 12 jaar van skool tot 'n einde. Ek weet dat dit 'n cliché is om te sê, maar dit het regtig in 'n oogwink verby gegaan. Ek voel nogal senuweeagtig oor die volgende stel eksamens, maar ek is gereed om dit klaar te kry en die volgende hoofstuk van my lewe te begin. Ek is veral senuweeagtig vir die eindeksamen, want nuwe mense gaan ons vraestelle opstel en merk, maar ek voel ook 'n vreemde gevoel van opgewondenheid en ek was nog nooit so gereed daarvoor nie.”

Zarah Carolissen



“Matriekeksamen. Sjoë. Dis soos jou eerste 'date'. Jy wag al so lank hiervoor, hoor al by soveel mense wat om te verwag en kry raad vanaf almal wat 'eens op 'n tyd ook daar was' dat dit net super teleurstellend is as die dag uiteindelik aanbreek. Maar dit is ook my pseudo-motivering om dit volstoom aan te pak. Die ding is: Jy kry nie sommer 'n tweede 'date' as jy opmors nie - ook nie 'n tweede toets nie. “End strong.” Maak darem net asof jy dit geniet!”

Walden van der Walt

Foto's: Fokus Verslaggewer: Anja Venter Illustrasie: Fleur Esterhuysen



Klas van 2025 is **gereed!**

• om enige iets saam te oorkom •

2021... 'n Jaar propvol opwindende avonture, leer en groei. 2021 is die jaar waarin die Klas van 2025 by die groot Hoërskool Stellenbosch-familie aangesluit het. Ek het onderhoude met 'n paar graad 8's gevoer sodat hulle my kon vertel hoe hulle aanpas in die hoërskool en hoe hulle die “nuwe normaal” wat Covid vir ons geskep het, ervaar.

Wat is jou gunsteling-ervaring of belewenis sover die jaar?

Juwan Dippenaar: “KWEEK. Ek geniet al die aktiwiteite by die koshuis en die skool, soos die dinees en fliekaande.

Pedri Eloff: “Die SMASH-hokkie-toernooi. Dit was lekker om nuwe mense te leer ken en teen vriende te kompe-teer.”

Wat staan vir jou die meeste uit van HSS?

Juwan Dippenaar: “Hoërskool Stellenbosch is uniek. Daar is ietsie vir almal en as daar nie ietsie is vir jou nie, sal daar definitief vir jou ondersteuning wees om iets nuuts te begin.”



Illustrasie geteken deur Zuni Barnard.

Anuk Bredell: “Dis heerlik om te sien dat HSS nie net oor akademie gaan nie, maar ook allerhande lekker, kreatiewe geleenthede bied waar ons mekaar kan ondersteun en onself geniet!”

Is daar enige aktiwiteite wat jy wens kon gebeur, maar a.g.v. Covid afgestel is?

Zani Erwee: “Ja, die graadkampe sou baie lekker gewees het, want ons sou mekaar beter kon leer ken.”

Zuni Barnard: “Ek het

Pedri Eloff: “Dit is nie die lekkerste om te weet dit gaan nog lank so bly nie, maar ons vat dinge soos hulle kom.”

Wat het HSS jou al geleer?

Zuni Barnard: “Om nie om te gee oor wat ander mense van jou dink nie. Niemand gaan oor vyf jaar al jou verleenthede onthou nie en almal is meer geïnteresseerd in hul eie probleme as wat jy besig is om te doen.”

Juwan Dippenaar: “Om hard te werk, nederig te bly en by te bly in die klas. Maar mens moet ook 'n tydjie maak om die lewe te geniet.”

Soos die graad 8's aan die begin van die jaar geleer het: Hou net aan swem, maak nie saak watter haai of brander jou wil omgooi nie. Die Klas van 2025 is duidelik reg vir enige iets en gaan saam enige moeilikhede oorkom. 2021 is definitief 'n jaar wat vir altyd deur ons graad 8's onthou gaan word.

Anja van Rooyen

iets van 'n spookhuis gehoor wat deel sou wees van die oriëntering, en aangesien ek nog nooit in een was nie, sou ek dit graag wou beleef het.”

Hoe voel jy oor 2022 en die res van jou skoolloopbaan met Covid heel moontlik, nog steeds in die prentjie? Soos maskers dra en toekomstige inperkings.

Anuk Bredell: “Ek is heel positief en vertrou dat ons elke struikelblok in die toekoms met die regte gesindheid sal kan oorbrug.”



In die kombuis



ECLAIRS

Die graad 11's het eclairs gemaak vir een van hul praktiese. Dit is 'n choux pasta wat baie keer vulsel in het soos room of karamel en dan het dit gesmelte sjokolade bo-op. Dit is lekker om as klein nagereg te bedien. Die choux pasta is baie moeilik om te maak, maar as jy dit regkry, is dit baie lekker.



QUICHE

Die graad 11's het 'n kors deeg gebruik en dan die deeg van die pasta bygesit om quiche te maak die kwartaal. Afhangende van waarvan jy hou, vul jy jou quiche. Mienke Joubert het 'n spek en eier quiche gemaak met rooi en geel pepers. Quiche kan as 'n maaltyd of teetyd peuselhappie bedien word.



HAMBURGERS

Die graad 10-gasvryheid-studieleerders moes 'n dis maak wat maalvleis komplimenteer. Anika Joubert en Enamari Goldie het 'n heerlike hamburger gemaak met 'n sampioensous, kaas, tamatie en rocket. Party leerders het koftas, chilli concarne en frikkadelle gemaak.



PAMPOENKOEKIES

Die populêre peuselhappie het 'n verskyning gemaak in Hoërskool Stellenbosch se kombuis die kwartaal. Pampoenkokies is basies pampoewat fyngemaak is met meel. Dit word dan in olie gesit en gebraai.



CREME PATESSERIE

Die graad 10-leerders het heerlike creme patisserie gemaak. Dit word bedien saam met koekiekrummels, vrugte of sjokolade. Hierdie nagereg moet mooi dopgehou word sodat dit nie oorkook of vasbrand nie. Dit kan ook in choux-pasta bedien word.



PASTA

Die graad 10's het hul eie pasta gemaak. Hulle moes die pasta-deeg self maak en het die gasvryheidklas se pastamasjiene gebruik om die pasta te sny. Hulle moes ook 'n sous maak om saam met die pasta te eet. Van die leerders het bolognaisous gemaak en ander het pesto oor hul pasta gesit.



Die graad 10's het verskillende kase geproe.



Die matrieks het wyn geproe.



Die graad 11's het geleer hoe om heerlike feta en spinasie te maak.



Die graad 12's het geleer hoe om mocktails te maak.



Volg in die spore van leiers

Die langverwagte MR-verkiesing het uiteindelik plaasgevind.

Gemoedere het hoog geloop en die advertensies in die gange het

dit moeilik gemaak om kruisies te trek. Die kandidate het almal die beste voetjie voorgesit. Ons het die geleentheid gehad om 'n paar speletjies saam met hulle te speel

om hulle beter te leer ken. Na die lang proses het die leerders uiteindelik hulle keuses gemaak. Ons glo dat julle ons skool sal bevorder

en vele Covid-vriendelike funksies sal reël. Ons sien uit om te sien wat julle beplan. Baie sterkte vir die jaar wat voorlê.
Elreesha Fortuin

Baie geluk aan die volgende leerders:

- VRL-Voorsitter:** Nadia Meyer
Hoofdogter: Cara Kilian
Hoofseun: Christo Booyen
Dogters:
 Lian Bell
 Sulene Loedolff
 Linmarie Marais
 Zoë Samuels
 Franci van der Merwe

- Seuns:**
 Ethan Abrahams
 Gio Anthony
 Conrad Bezuidenhout
 Chris Janse van Rensburg
 Isaac King
 Francois Philander
 Michael Prins



Die drie hoofleiers.

Verwelkom die nuwe huiskomitee

Die hartjie van die skool... selfs nog die hart se punt: die koshuis. En wat is 'n koshuis sonder die HK wat elke aand na 12 by die graad agts moet pleit om te slaap? Die graad 12's in die koshuis het hierdie jaar se graad agts

baie lesse geleer en ook met ope arms verwelkom en ek is seker hulle is ewig dankbaar vir die herinneringe wat hulle vir die res van hul lewens kan koester. Ons is opgewonde om die nuwe HK

in aksie te sien en kan nie wag om met hulle die komende jaar aan te pak nie. Alhoewel ons baie uitsien na dit wat vir ons voorlê saam met die HK van 2022, moet ons die HK van 2021 groet en bedank.

Ons is baie opgewonde oor wat die toekoms vir julle inhou. Hopelik sal julle universiteitsvriende julle soveel waardeer soos wat ons julle hier by HDP waardeer het!

Leonore Wessels

Baie geluk aan die volgende leerders:

- Dogters:**
Hoofdogter: Nicolette Coote
Onderhoofdogter: Lara Oosthuizen
 Alida van der Spuy
 Lidia Wilson
 Carlize Lingenfelder
 Mariska Goliath

- Seuns:**
Hoofseun: Ethan Abrahams
Onderhoofseun: Petri Rossouw
 Marius Symington
 Koos Symington
 Dewald Nel
 Chris Young

STELLIES BIBLIOTEEK

YOU AND ME AT THE END OF THE WORLD

Hannah Ashton word een oggend wakker in doodse stilte...Die hele stad is dolleeg. Alhoewel die karre nog steeds daar staan en die winkels nog steeds vol kos is soos 'n doodgewone dag, is daar van die teken van lewe geen sprake nie. Behalwe vir een ou, Leo Sterling.

Leo en Hannah vind mekaar en eers is hulle vas oortuig dat hulle dood is. Want watter ander logiese verduideliking is daar? Met net mekaar se geselskap, verken hulle 'n wêreld sonder ouers, vriende, skool en te midde van alles besef hulle dat hulle nie die rolle hoef te speel wat almal van hulle verwag nie, maar eerder net hulself kan wees.


Hannah hoef nie die uiterste stres van perfeksie te ervaar en die beste ballerina te wees nie. Leo kan ontslae raak van die lui persona wat hy voorgee. Saam leer ken hulle

mekaar agter die skerms as individue en probeer hulle antwoorde soek vir hierdie brein-brekende isolasie waarin hulle hulself bevind.

Niks is werklik soos wat dit voorgee nie en alhoewel hulle leë klein wêreld onskadelik lyk, ontstaan daar ewe skielik uiterste storms, 'n lug wat kleure kan verander en 'n springkasteel wat hulle jaag! Hannah en Leo sal vinnig moet uitvind wat aan die gebeur is voordat hulle mekaar vir altyd verloor.

Aanhangers van die reeks The Society op Netflix sal definitief hierdie boek geniet! Hierdie boek is vol suspensie, romans en die soektog om jouself te vind. Maar onthou, niks is werklik soos wat dit voorgegee word nie...

René Kotzé



STELLIES TEATER

RAISING THE BAR

Spanning, samewerking en liefde is alles wat jy in Raising the Bar gaan vind. Is jy iemand wat daarvan hou om te dans? Of hou jy net regtig baie daarvan om flieks te kyk waar die hoofkarakter sy/haar drome najaag? As dit jy is, dan is hierdie fliek beslis vir jou!

Raising the Bar is 'n fliek waar Kelly Australië toe vertrek saam met haar ma. Sy moet weer oor begin en aansluit by 'n nuwe skool waar sy niemand ken nie nadat haar ouers 'n egskeiding gehad het. Op 'n dag ontmoet sy 'n meisie, Nicola, en hierdie meisie doen gimnastiek. Kelly het toevallig ook voorheen gimnastiek gedoen, maar het besluit om op te hou na haar vorige kompetisie se voorval. Kelly het besluit om vir Nicola te leer hoe om beter te raak in gimnastiek.

Terwyl Kelly vir Nicola geleer het, kon al die ander mense sien hoe goed Kelly is in hierdie sport. Een van die ander meisies het 'n besering opgedoen en toe was dit Kelly se kans om haarself te

bewys en om haar passie uit te leef. Voorheen het almal onthou hoe sy tydens 'n belangrike roetine geval het en daardie fout het vir haar en haar vorige span daardie jaar die kampioenskap gekos. Sy wou hê hulle moet die ware gimnas sien en sy wou haar passie verder uitleef omdat gimnastiek die sport was waarin sy haarself kon wees. Op die ou end het hierdie 'n gelukkige einde gehad waar Kelly vir almal kon wys dat sy 'n uitstekende gimnas is.

Hierdie fliek leer ons dat dit belangrik is om op jou drome te fokus en om nooit daarop op te gee nie. As jy 'n passie vir iets het, leef dit uit. Alhoewel dit vreesaanjaend is, moet jy bereid wees om kanse te vat. Ek sal hierdie fliek beslis vir elke persoon aanbeveel!

Tatum Ferrier



Terugblik op die vakansie

Na 'n lang kwartaal sien ons almal uit na 'n heerlike Oktobervakansie. Die Stelloskoop het gaan uitvind wat leerders tydens die Junievakansie gedoen het. Anika Joubert in graad 10 het 'n groot "road trip" aangepak saam met haar familie. Hulle het gery van Vredendal tot in Potchefstroom, waar

sy baie familietyd met haar ouma en niggies en nefies spandeer het.

Nina Odendaal, ook in graad 10, was saam met haar familie op 'n avontuur Deben toe. Daar het sy met donkies in die pad geloop en met koue brakwater gestort.

Papillon Morkel in

graad 8, was die Junievakansie vir die eerste paar dae by haar huis. Daarna het hulle besluit om na een van hulle gunsteling vakansieplekke te gaan om te ontspan.

James Janse van Rensburg (graad 10) het omtrent 100 liter sement aangemaak om vir sy nuwe tuin 'n muurtjie te bou.

Robyn Bleach in graad 9 het haar vakansie langs die Oranjerivier spandeer waar sy saam met een van haar oulaerskoolvriendinne opgevang het terwyl hulle geroei, gepaddle, en probeer swem het, maar die water was ongelukkig te koud.

Nina Friess

Illustrasie deur Cheroné Fourie.



Stellies is opgewonde oor die opgraderings

'n Kamer en 'n klaskamer is die plek waar jy die meeste tyd in jou skoolloopbaan spandeer. Dis die plek waar jy laataande wakker bly om die laaste paar wiskunde-formules in jou brein te stoor of daai laaste biologie-feite. Dis die plek waar jy kliphard na die hartseerste liedjies luister omdat dit weerspieël hoe jy voel oor daardie skeinat- of rekeningkunde huiswerk. Daarom kort dit af en toe 'n bietjie "spice".

Hier is vir julle nuwe kamers op Casa Esperanza en Loco Laan. Hier is vir julle 'n nuwe

badkamer, Casa Esperanza. Hier is vir julle 'n nuwe seuns-toilet by die skool en badkamer by die koshuis. Hier is vir julle nuwe en omgedraaide klaskamers, onderwysers en leerders van Hoërskool Stellenbosch! Dis asof die skool en koshuis so vrygewig is.

Dis altyd so opwindend as iets nuuts gebeur soos 'n nuwe treffer, 'n nuwe "TikTok-trend" of selfs 'n uitverkoop by Cotton On. Ek het vir 'n paar leerders gevra hoe hulle oor die nuwe opgraderings voel en dis alles net positief.

Jana Fourie, hoofmeisie

van Huis Du Preez, ervaar dat die opgraderings by die skool en koshuis die plek net 'n ander gevoel gee. Sy sê die volgende: "Dit voel nie asof jy in 'n verveelige klaskamer sit wat 'n onderwyser probeer mooimaak het nie. Dit voel asof jy in 'n plek is waar die mense om jou wil sien hoe jy groei en floreer. Die koshuis voel nie net soos 'n ou gebou nie, maar 'n plek waar jy wil wees. Ek het self gesien hoe die kamer-netheid verbeter het omdat dit 'n omgewing is wat die kinders respekteer en waarin hulle wil wees."

Stefan Bezuidenhout, 'n graad 10 leerder, het die volgende te sê: "Ek 'love' die nuwe badkamers. Dit voel letterlik asof ek in 'n Eikestad mall badkamer is. Die klasse is net 'convenient' soos die groter borde en waar die televisie staan."

Papillon Morkel, 'n graad 8 leerder, ervaar dat dit baie beter werk in die klasse, maar dit voel nogal "weird" om na die deur te kyk in party klasse.

Ons as leerders wil net dankie sê aan almal wat bygedrae het, want julle het als moontlik gemaak.

Tayla Wedderspoon

Foto's van koshuiskamers: Juffrou Barnard.



Anneke Bouma op haar nuwe bed.



Die seuns se nuwe badkamers by die skool.



Chris Young bied sy mondeling in 'n nuwe klas aan.



Jami-Lee Symington, Elreesha Fortuin, Shakira Malan in hul kamer.

HOE VOEL DIE ONNIES OOR DIE INENTING?

“Ons het die inenting gekry, nie net om onself te beskerm nie, maar ook om ons kinders te beskerm.”
Meneer Retief

Daar is meer as 95% van die onderwysers wat ingeënt is. Ek het met drie onnies gesels om te hoor wat hulle mening is oor die inenting.

Waarom het die onnies die inenting gekry?

Juffrou Erasmus: “My eerlike mening is dat ons nie ‘n keuse het nie. As ons wil voortgaan met ‘n ‘normale lewe’ dan sal ons almal die inenting moet kry. Ek wil ook veilig voel.”

Meneer Retief: “Omdat dit die regte ding is om te doen. Wetenskaplikes het bewys dat as jy ingeënt is, gaan jy nie so erg siek raak nie.”

Juffrou Bruwer: “Ek was baie siek gewees as gevolg van Covid en het al mense na aan my ver-

loor. Ek het dit gedoen om myself en mense rondom my te beskerm teen ‘n dodelike siekte.”

Watter soort inenting het julle gekry?

Juffrou Erasmus: “Pfizer.”

Meneer Retief: “Johnson and Johnson. As ek kon, sou ek oor twee maande gegaan het vir ‘n Pfizer inenting ook.”

Juffrou Bruwer: “Johnson and Johnson.”

Was julle bang gewees?

Juffrou Erasmus: “Glad nie.”

Meneer Retief: “Nee, want ek weet wat biologies met my liggaam gaan gebeur.” (Gesê soos ‘n regte egte biologie-

onderwyser.)

Juffrou Bruwer: “Nee.”

Was dit seer gewees?

Juffrou Erasmus: “Nee, glad nie, maar my arm was seer gewees so twee dae na die tyd.”

Meneer Retief: “Die prik was glad nie seer nie, maar na die tyd was my arm seer gewees.”

Juffrou Bruwer: “Nee, glad nie. My arm was net seer en ek het vir so twee dae griepsimptome gehad.”

Behoort die inenting verpligtend te wees vir almal?

Juffrou Erasmus: “Ja, want die virus muteer soos wat mense aange-

steek word. Al hoe ons dit gaan stop, is as ons dit vir hom onmoontlik maak om te muteer.”

Meneer Retief: “Ek dink dis baie moeilik om mense te verplig, want almal het verskillende opinies. As ek dit verpligtend kon maak, sou ek, want dit gaan die lewe vir almal makliker maak.”

Juffrou Bruwer: “Ek glo almal wat ingelig is behoort te weet dit is die regte ding om te doen, maar ek respekteer mense wat daarteen besluit as gevolg van geloofsoortuiging, mediese redes ens. Mense moet ‘n ingeligte besluit neem ten opsigte van die inenting.”

Anina van der Poel



Meneer Niel Retief.



Juffrou Rinette Bruwer.

Hoog, hoër, die hoogste

Die graad 10's het op Maandag, 27 September, ‘n uitstappie na Kaapstad geniet. Hulle het om half nege vertrek en het eers by Cavendish Mall, in Claremont rondgeloop. Daarna het hulle na die RUSH-trampoliënpark gegaan. Die redaksie het meer uitgevind oor die leerders se ervaring.

Stefan Bezuidenhout: “Ek het gesprings, ek het gedraai, ek het bollemakiesies geswaai. My enkels was seer, my rug het gepyn. Maar na 2 dae het dit verdwyn. My stem was seer, daar was ‘n knop in my keel, want niemand wou

met my pizza deel.”

Xanthe Louw: “Die graad 10-uitstappie na Rush was ‘n onvergeetlike dag vol pret en plezier saam met my skoolmaats wat ek vir altyd sal onthou en koester. Dankie aan almal wat dit gereël het.”

Stephanie du Toit: “Ek dink ons almal het weer vir die eerste keer in ‘n lang tyd soos kinders in ‘n speelplek gevoel.”

Ubert Fourie: “Die uitstappie was baie lekker. Die lekkerste deel was die dodge ball. Om mekaar te gooi en so nou en dan per ongeluk

iemand teen die kop te gooi. Ek is doodseker almal van ons het dit geniet en kan nie wag vir die volgende uitstappie nie.”

Olivia Els: “Dit was ‘n merkwaardige lewendige Maandag. Die busrit was lank en rustig en die moegheid wat ek gevoel het, was my ergste stryd. Tog was dit absoluut heerlik. Die slushies was heerlik en die lieflike fasiliteerders was baie vriendelik. Dit was ‘n fantastiese ervaring. 10/10!”

Anika Joubert



Xanthe Louw spring baie hoog.



Die onderwysers het die uitstappie net so baie geniet.

Bon Appétit

Die graad 10 en 11 gasvryheidleerders het die geleentheid gehad om op twee afsonderlike dae ‘n ontbytbuffet by Lanzerac te geniet. Dit was ‘n goeie ervaring en die leerders het dit baie geniet.





- Nuwe Nel -

TWEE VAAR BETER AS EEN

Die troumars het Saterdag, 11 September vir juffrou Nienaber, of eerder mevrou Nel, en meneer Nel gespeel. Hierdie spesiale dag is gevier by Winery Road Forest langs die R44. Dit was 'n dag vol vreugde en trane van blydschap. Die bruid het asemrowend gelyk en haar bruidegom het die prentjie perfek afgerond. Hulle kon nie 'n meer gepaste troukar as juffrou Nienaber se blou blomme bussie hê nie. Die huweliksereemonie het plaasgevind in 'n unieke kapel met 'n besonderse uitsig. Nadat die twee trou aan mekaar beloof het, het hulle saam met die gaste heerlike drankies en troukoek geniet. Nuutgevonde koekedore, naamlik juffrou Jou-



Die getroude paartjie, juffrou Joubert en haar man. bert en tannie Ingrid, het die gaste laat smul terwyl juffrou Heath en Jan-Hendrik Basson die gaste met pragtige


beweeg en die gesellige atmosfeer van die dansbaan met liggies, asook 'n vuur waarby almal heerlijk kon kuier, geniet. Die onthaal was ook met 'n Boheemse tema deur juffrou Nienaber self versier. Die dansbaan is geopen deur die pasgetroudes en daarna het almal die dansbaan aan die brand gedans. Almal het lekker geëet en vir nagereg het hulle "mini milkshakes" en macaroons geniet. Die aandklokkeel het die dansbaan en gesellige kuier tot stilstand geroep omdat almal negeuur moes vertrek om betyds by die huis te wees. Mag hierdie spesiale dag net die begin wees van wonderlike jare wat voorlê vir hierdie besonderse paartjie.

Enamari Goldie

Ons Stellies se Afrikaans-juffrou, debat-organiseerder, leerderleier en koshuistoeshouer is verloof!

Op 10 September 2021 het juffrou Van der Merwe se grootste droom waar geword. Haar kêrel het na 'n jaar en vier maande saam die groot vraag gevra.

Tydens 'n romantiese wandeling op die golfbaan het dié spesiale vriend, Louis Fourie, vir ons geliefde onnie gevra om te trou. Daarna het hy haar verder verras met familie en vriende wat hulle ingewag het by sy huis om hul ver-



Illustrasie deur Cheroné Fourie.

lowing te vier. Die viering was heel gepas, want dit was juis hul vriende wat hulle bymekaar gebring het.

Juffrou Van der Merwe het ook genoem: "Ek is baie lank en ek het nooit gedink dat ek iemand sal vind wat lank is nie-my verloofde is 1,98 cm


lank."

Hierdie liefdesverhaal het my laat dink aan die wyse woorde van Dr. Seuss. "Ons is almal 'n bietjie vreemd en die lewe is 'n bietjie vreemd, en as ons iemand vind wie se vreemdheid verenigbaar met ons s'n is, sluit ons aan by hulle en val in onderlinge vreemdheid en noem dit liefde."

Ons Stellies wens julle 'n baie gelukkige en geseënde huwelik toe. Mag julle 'n 'happily ever after' hê!

Anje Swart

Interhuis hokkie



OLIMPIESE SPELE

Na uitsien en nuuskierigheid (en vermoede dat die groot gebeurtenis nooit sou arriveer nie) het die Somer Olimpiese Spele uiteindelik aangebreek.

Vanaf 23 Julie tot 8 Augustus 2021 was huise oor die hele wêreld se televisieskerms gevul met ambisieuse atlete. Wat is nou lekkerder as om onder 'n komsers voor die kassie te lê vir ure van Olimpiese Spele vermaak?! Die aspirasie, afwagting en aanmoediging loop hoog, veral as daar uit die bloute 'n minder bekende meeding, 'n skitterende vertoning lewer (Suid-Afrika se Tatjana Schoenmaker). Jy wil so

hoog soos 'n paalspring-atleet uit jou vel spring!

Die openingsremonie in Tokio het ons soos 'n bom getref toe ons na 'n byna lê stadion, na 'n jaar se pandemiese vertraging, gestaar het. Die byna 11 000 atlete moes voor 68 000 dolleë sitplekke deelneem.

Gelukkig was daar 'n paar positiewe aspekte, soos die feit dat nuwe items, naamlik branderplankry, skaatsplankry, klim en karate, jong nuwe sterre na vore gebring het.

Hoogtepunte was: Kenia se Eliud Kipchoge, die mansmarathonatleet, wat sy wentitel van

2016 behou het en die Amerikaanse swemmer, Caeleb Dressel, wat Michael Phelps klein laat raak het met sy vyf goue medaljes. En wie sou kon raai dat 'n 26-jarige Italianer, Lamont Marcell Jacobs, die goud (en 180 000 Euro) vir die mans 100m sou wen!

Mr Price en Veldskoen het gesorg dat ons spanlede van Suid-Afrika deur 'n ring getrek kon word! Tatjana Schoenmaker het met haar silwer in die 100m borsslag en daarna goud (met 'n nuwe wêreldrekord) in die 200m vir groot sensasie gesorg. Skoenmaker hou jou by jou lees! Branderplankryer,

Bianca Buitendag, was ook 'n verrassing vir SA. Suid-Afrika bring drie medaljes huis toe en lê op die 52ste posisie.

Welgedaan aan VSA, China, Japan en Brittanje met hulle top vier posisies! En dit als ten spyte van 'n virus wat as 'n voortdurende bedreiging geskuil het...

Ek wonder of een van ons Stellies eendag aan die Olimpiese Spele sal deelneem? Vinniger, Hoër, Sterker – Saam: laat ons altyd die slagspreek van die Olimpiese Spele onthou!

Leonore Wessels



SA stap in by die openingsremonie. Foto: TimesLIVE.



Schoenmaker met haar goue medalje. Foto: EWN.

KWEEK

-2021-

SO SKOP ON S Kweek AF!

Na maande se beplanning, weke se rondhardloop en 'n paar keer se uitstel het die Kunstekomitee dit reggekry om KWEEK 2021 op die been te bring!

Op Maandag, 2 Augustus, was die leerders van Hoërskool Stellenbosch deur 'n hele nuwe gesig begroet as waaraan hulle gewoon is. Kleurvolle dekor het die skool verfraai en goeie musiek het 'n oorweldigende positiewe gevoel geskep wat deur die hele week geheers het.

Die oggend is afgeskop op die maat van die Drumline se tromslae. Met elke slag kon 'n mens voel hoe die leerders en onderwysers se opgewondenheid groei: KWEEK is uiteindelik hier!



Illustrasie geteken deur Cheroné Fourie.

Na die eerste drie periodes kon die leerders nie wag om uit die klaskamers uit te kom om na die Jazz Band te luister nie. Daniel Retief, Dieter Nieuwoudt, Cara Kilian, Samuel de Wet en juffrou Heath het die leerders bekoor met hulle klassieke, tydlose musiek.

Gedurende die tweede

pouse het Anja Pieterse en Daniel Retief in die Katedraal en Jeanne-Marié Koekemoer en Emile Mostert in die Foyer hulle engestemme laat hoor. Daar is ook 'n paar wat hulle versteekte talente by die karaoke gewys het!

Die digitale KWEEK-periode het in die registerklasse geskied. Die

Kunstekomitee moes ongelukkig digitaal gaan as gevolg van die Covid-19-regulasies, maar het hulle uitstekend van hulle taak gekwyt! Gedurende hierdie periode was die leerders bekend gestel aan verskeie bekendes en sterre. Een van hulle het selfs die leerders geleer hoe om 'n haikoe te skryf! Hulle moes toe self een probeer skryf.

Die Covid-19-pandemie het so baie van ons af weggevat, maar die Kunstekomitee het geweier dat die pandemie hulle planne stuit! Hulle doel was om die kunste te vier en die gemoed in die skool te lig. Hulle het dit en nog soveel meer reggekry.

Jana Fourie



Jeanne-Marié Koekemoer



Marius en meneer Schultz skiet die kanon.



Kweek 2021 word afgeskop met 'n Stellies-tradisie.

Die tweede dag van die lekkerste week van die jaar!

KWEEK dag twee skop af met 'n reuse ontplofing van kleur en kuns. HSS se koor open die dag met hul sang wat die atmosfeer opkikker. Oud-Stellie, Aleit Swanepoel, maak 'n verskyning by rye en gesels met die leerders.

Die dag was 'n fees gevul met talle aktiwiteite wat elke Stellie gelok het. Die leerders wys hul kreatiwiteit met "bring-'n-prop-dag".

Die dag het bestaan uit 'n aktiwiteit vir elke Stellie. In die Foyer het Brandslang, tweede pouse, opgetree en hul passie vir musiek met die skool gedeel. In die



Illustrasie geteken deur Rieze Steyn.

saal het Stellenbosch Dance Academy hul liefde vir dans gedeel.

Die quad was beide pouses gevul met entoesiasme, kuns en aktiwiteite wat 'n glimlag op almal se gesigte gelaat

het. Stellies het die kans gehad om kunstig te raak met bordkryt op die sement. Michael Adendorff het vir slegs R10 portrette gemaak van leerders. Walden het 'n "change my mind" aktiwiteit gehou. Ninke

Theron het 'n voorlesing van Jaco Jacobs se gedigte gedoen met haar optrede "Ninke doen wat Ninke doen". Byna elke Stellie was gelok met "musical chairs" wat beslis 'n prettige affêre was.

Tydens KWEEK-periode het die leerders 'n bekeveg in die quad gehou en deelgeneem aan 'n meneer Mostert-tema inkleurkompetisie.

Dag twee van KWEEK was 'n reusesukses en beslis een vir die boeke.


Chané Swanepoel



Die koor vermaak ons leerders by rye.



Aleit Swanepoel kom kuier by HSS.



Walden van der Walt geniet die gees van KWEEK.



1. Christi Noades speel en sing Electric love. 2. Jamian van Wyk. Die wenner van Homegrown 2021. 3. Pragtige heliumballonne. 4. Jamian in aksie. 5. Délain Nortier was tweede met Million Reasons deur Lady Gaga. 6. Louis Jardine het die derde plek behaal. 7. Isaac King geniet dit om sy talente te beoefen en te deel. 8. Lian Bell het ons kom vermaak met haar pragtige stem. 9. Die twee Van der Merwe sussies, Franci en Emma, het saam aan Homegrown deelgeneem. 10. Jan-Hendrik Basson het saam met Isaac deelgeneem en het 'n pragtige item gelewer.



STELLIES HET TALENT

Met die helfte van KWEEK agter die rug en slegs twee dae oor, het die Kunstekomitee hulself oortref. Op Donderdag 5 Augustus het die Kunstekomitee dag 4 van KWEEK aangebied. Dit was 'n onvergeetlike dag vol talente.

Die oggend was op 'n hoë noot begin deur Veronica Bell en John Pringle wat hul musiek talent met die skool kom deel het. Daarna het Stefan Cloete al die Stellies opgewonde gekry vir die dag wat voorlê met sy ongelooflike stem. Vleesfees het plaasgevind en al die leerders het skool toe gekom in 'n kostuum van hul gunsteling-karakter uit 'n TV-reeks of boek. 'n Groep graad 11-meisies het hierdie kompetisie gewen met hul unieke kostuums as



Illustrasie deur Fleur Esterhuysen.

karakters uit die Netflix reeks, "Orange is the New Black".

Vir die eerste keer in twee jaar het Hoërskool Stellenbosch die

geleentheid gehad om Homegrown aan te bied. Soveel leerders het hul gewes met die skool kom deel en almal het gejuig. Jamian van Wyk het die eerste plek in die danskategorie behaal met sy Hip-hop dans. In die eerste plek in die sangkategorie het Délain Nortier haar stem bekend gemaak met die kragtige liedjie "Million reasons" van Lady GaGa.

Na vier wonderlike dae van talent, musiek en die belangrikste van als, kuns, was ons as Stellies ongelukkig om te dink dat daar slegs een dag van hierdie ongelooflike week oor is. Op nog 'n onvergeetlike Vleesfees en Homegrown in die geskiedenis van Hoërskool Stellenbosch.

Emma Joubert

Schalk Bezuidenhout



Suid-Afrika se gunstelingman met 'n snor...en 'n bos hare... en 'n ongewone smaak in trui...

Die komedie-ikoon, Schalk Bezuidenhout het tydens KWEEK deur elke HSS-skerm gepraat. Hierdie aanlyn-opvoering het die lag sommer so deur die gange laat trek!

Schalk het uitgebrei op onderwerpe waar-

mee elke hoërskoolleerder regtig kan identifiseer soos die kontras tussen die Wiskunde en Wiskundige Geletterdheid kinders, en English Home Language en English First Additional Language kinders. Te danke aan die feit dat die grappies so goed gerig was op ons as 'n hoërskoolgehoor, het almal se mae gepyn en kon elkeen dit

waardeer.

Voor ons nog kans kon kry om al die lagtrane af te vee was die uur van vele pret al verby. Dankie, KWEEK-span! Dit was 'n nuwe ervaring en beslis 'n KWEEK-hoogtepunt.

Lara Oosthuizen: "Dit was iets nuuts en uit die gewoon. Schalk se hare het omtrent helfte van die skerm

opgevat."

Cara Marais: "Dit was vir my lekker dat ons as leerders met Schalk se grappies kon identifiseer, en dat hy nie net onnie-grappies gemaak het nie."

Aydin Conry: "Dit was wonderlik, definitief iets anders. Ek het dit geniet!"

Rheba la Grange

Illustrasie deur Michael Adendorff.



So kom dit tot 'n einde

'n Week vol opwindende beplanning. Van karaoke in die quad, Homegrown, Vleesfees en Stellies se eie koor wat optree, het die laaste dag van KWEEK weereens op 'n hoogtepunt geëindig.

Daar is 'n fyn lyn tussen die waarheid en die leuen. Ons skop die laaste dag van KWEEK af met 'n kompetisie tussen die onderwysers en leerders waar elkeen 'n kans kry om 'n storie te vertel en die teenoorgestelde span besluit of dit die waarheid is of nie. Dit was wel die leerders wat daardie kompetisie gewen het met die spanlede



Illustrasie deur Cheroné Fourie.

bestaande uit Valerio Costa, Ninke Theron en Luc Swanepoel.

Stellies se eie skool-"band" het eerste pouse ook 'n optrede gelewer op die netbalbane, maar dit was nie die enigste

hoogtepunt op dag 5 nie. Karaoke in die quad was ook 'n groot sukses gewees op die eerste dag van KWEEK dat daar besluit was om weer die geleentheid te gee tweede pouse op die netbalbane. Selfs mnr.

Retief het deelgeneem met sy uitmuntende weergawe van "Kaptein span die seile".

Dit was hartseer toe die laaste dag van KWEEK aanbreek, aangesien dit 'n week was waarvoor almal so lank gewag het, omdat dit konstant uitgestel was as gevolg van Covid-19.

Die Kunstekomitee het met harde werk en beplanning 'n onvergeetlike week moontlik gemaak wat almal sommer nuwe motivering gegee het vir die res van die jaar!

Anika Lourens



Illustrasie deur Elaine Lesch.



Vir die Stellies



Deur die Stellies

